

486/21

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
**GRADONAČELNIK**

Broj: 02-45-9252/21  
Zenica, 18.05.2021. godine

**STRUČNA SLUŽBA GRADSKOG VIJEĆA**

**PREDMET:** Prijedlog Rješenja o imenovanju Upravnog odbora Javne ustanove Apoteka „Zdravlje“ Zenica, dostavlja se

Poštovani,

U prilogu ovog akta dostavljamo vam Prijedlog Rješenja o imenovanju Upravnog odbora Javne ustanove Apoteka „Zdravlje“ Zenica.

S poštovanjem,



**GRADONAČELNIK**

**Fuad Kasumović**

DOSTAVLJENO:

1x Naslovu

1x a/a

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA

**PRIJEDLOG**

\*\*\*\*\*

R J E Š E N J A  
O IMENOVANJU UPRAVNOG ODBORA JAVNE USTANOVE  
APOTEKA „ZDRAVLJE“ ZENICA

\*\*\*\*\*

Zenica, maj 2021. godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) i člana 21. tačka 18. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na \_\_\_\_ sjednici održanoj \_\_\_\_\_ 2021. godine, donijelo je

**RJEŠENJE**  
**o imenovanju Upravnog odbora Javne ustanove**  
**Apoteka "Zdravlje" Zenica**

**Član 1.**

Imenuje se Upravni odbor Javne ustanove Apoteka "Zdravlje" Zenica na mandatni period od četiri godine u sastavu kako slijedi:

- Danijela Dalmacija-Pavlović, diplomirani pravnik, predstavnik osnivača,
- Imela Zukić, magistar farmacije, predstavnik stručnih radnika,
- Emin Durmo, diplomirani ekonomista, predstavnik Ministarstva zdravstva ZDK.

**Član 2.**

Ovo Rješenje stupa na snagu danom donošenja, a objavit će se u „Službenim novinama Grada Zenica“.

Broj: 01-                /21  
Zenica,                2021.godine

PREDSJEDAVAJUĆI  
GRADSKOG VIJEĆA

## **O B R A Z L O Ž E N J E**

### **I PRAVNI OSNOV**

Odredbom člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) propisano je da konačna imenovanja vrši odgovorni javni službenik, odnosno Gradsko vijeće.

Odredbom člana 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) propisano je da predsjednika i članove upravnog odbora zdravstvene ustanove u svojini opštine imenuje/razrješava opštinsko vijeće, na prijedlog opštinskog načelnika.

Odredbom člana 21. tačka 18. Statuta Grada Zenica („Službene novine Grada Zenica“, broj: 5/15) je propisano da Gradsko vijeće u okviru svojih nadležnosti, između ostalog, imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješenja kada je to propisano.

### **II RAZLOZI DONOŠENJA**

U skladu sa članom 4. Zakona o ministarskim, vladinim i drugim imenovanjima Federacije Bosne i Hercegovine, Gradsko vijeće je na 2. sjednici održanoj 28.12.2020. godine, imenovalo privremeni Upravni odbor Javnih ustanova „Dom zdravlja“ Zenica i Apoteka „Zdravlje“ Zenica, i to Rješenjem o imenovanju privremenog Upravnog odbora Javne ustanove „Dom zdravlja“ Zenica, broj: 01-45-25936/20 od 28.12.2020. godine i Rješenjem o imenovanju privremenog Upravnog odbora Javne ustanove Apoteka „Zdravlje“ Zenica broj: 01-45-25937/20 od 28.12.2020.godine.

S obzirom da je privremeni Upravni odbor imenovan na kraći period, odnosno na period od najviše tri mjeseca, Gradonačelnik Grada Zenica je objavio Oglas za izbor i imenovanje upravnih odbora javnih ustanova "Dom zdravlja" Zenica i Apoteka "Zdravlje" Zenica u „Službenim novinama Federacije BiH, broj: 1/21 od 08.01.2021.godine, te u novinama „Oslobođenje“ i na službenoj internet stranici Grada Zenica 04.01.2021.godine.

U cilju provođenja postupka izbora članova upravnih odbora Javnih ustanova „Dom zdravlje“ Zenica i Apoteka „Zdravlje“ Zenica, Gradonačelnik je Rješenjem broj: 02-45-1944/21 od 03.02.2021. godine formirao Komisiju za izbor i imenovanje članova upravnih odbora Javnih ustanova „Dom zdravlje“ Zenica i Apoteka „Zdravlje“ Zenica u sastavu: Primorac Bojana, diplomirana pravnik, predsjednica, Porča Alisa, diplomirana pravnik, članica, Ščetić Alma, diplomirana pravnik, članica, Adilović Nusret, diplomirani pravnik, član, Ismičić Maid, diplomirani ekonomist, član.

Shodno tačkama II i III označenog rješenja, u smislu procedure izbora kandidata za imenovanje na predmetnu poziciju, Komisija je imala za zadatak da sve kandidate koji ispunjavaju uslove utvrđene javnim konkursom pozove na intervju, sastavi listu kandidata koji ispunjavaju kriterije, te da listu s izvještajem dostavi donosiocu rješenja, odnosno Gradonačelniku, u svrhu

pripreme konačnog prijedloga za imenovanje i upućivanje istog radi razmatranja pred Gradskim vijećem.

U skladu sa navedenim, Komisija za izbor je izvršila otvaranje pristiglih prijava za izbor članova Upravnog odbora Apoteka „Zdravlje“ Zenica, te konstatovala da su prijave sljedećih kandidata potpune, odnosno da prijavljeni kandidati ispunjavaju sve uslove tražene Oglasom, i to kako slijedi:

- iz reda stručnih radnika:
  1. Aida Pripoljac, magistar farmacije,
  2. Strika Mirsada, magistar farmacije,
  3. Nermana Družić-Rizvanović, magistar farmacije i
  4. Imela Zukić, magistar farmacije.

Komisija za izbor također je konstatovala da niti jedna prijava koja je dostavljena iz reda osnivača ne ispunjava formalno-pravne uslove tražene predmetnim Oglasom, te je isti u dijelu izbora i imenovanja članova iz reda osnivača poništen dana 03.03.2021. godine u dnevnom listu „Oslobođenje“, službenoj internet stranici Grada Zenica i „Službenim novinama Federacije BiH“ broj: 17/21.

Komisija je s ciljem izbora i imenovanja člana upravnog odbora Javne ustanove Apoteka „Zdravlje“ Zenica iz reda stručnih radnika obavila intervju sa kandidatima koji ispunjavaju sve uslove tražene Oglasom, i to 03.03.2021. godine u maloj sali Grada Zenica (Služba kabineta Gradonačelnika - II sprat). Svi kandidati su uredno obaviješteni pismeni i usmenim putem o terminu održavanja intervjua. Kandidatkinje Strika Mirsada i Nermana Družić-Rizvanović se nisu odazvale pozivu da pristupe na zakazani intervju.

S ciljem provođenja procedure izbora i imenovanja člana iz reda osnivača u sklopu poništenja Oglasa objavljen je i novi Oglas za izbor i imenovanje člana Upravnog odbora Javne ustanove Apoteka „Zdravlje“ Zenica - predstavnik osnivača.

U cilju provođenja postupka izbora člana upravnog odbora Javne ustanove Apoteka „Zdravlje“ Zenica - predstavnik osnivača, Gradonačelnik je Rješenjem broj: 02-45-6915/21 od 12.04.2021. godine formirao Komisiju za izbor i imenovanje člana upravnog odbora Javne ustanove Apoteka „Zdravlje“ Zenica u sastavu: Primorac Bojana, diplomirana pravnica, predsjednica, Porča Alisa, diplomirana pravica, članica, Ščetić Alma, diplomirana pravica, članica, Adilović Nusret, diplomirani pravnik, član, Ismičić Maid, diplomirani ekonomist, član.

Po objavljenom javnom Oglasu, a nakon isteka roka za podnošenje prijava, Komisija za izbor detaljnim pregledom pristiglih prijava utvrdila je da su prijave sljedećih kandidata potpune, te da prijavljeni kandidati ispunjavaju sve uslove tražene predmetnim Oglasom, kako slijedi:

- iz reda osnivača:

1. Danijela Dalmacija-Pavlović, diplomirani pravnik,
2. Lejla Begagić-Pelja, diplomirana medicinska sestra,
3. Ermin Redžić, Bachelor/Bakalaureat općeg prava.

Komisija je s ciljem izbora i imenovanja člana upravnog odbora Javne ustanove Apoteka „Zdravlje“ Zenica iz reda osnivača obavila intervju sa kandidatima koji ispunjavaju sve uslove tražene Oglasom, i to 26.04.2021. godine i 29.04.2021. godine u maloj sali Grada Zenica (Služba kabineta Gradonačelnika - II sprat). Svi kandidati su uredno obaviješteni pismeni i usmenim putem o terminu održavanja intervjuja. Kandidatkinja Lejla Begagić-Pelja se nije odazvala pozivu da pristupi na zakazani intervju.

Nakon dostavljanja zapisnika od strane Komisije s utvrđenom rang listom kandidata za članove Upravnog odbora Javne ustanove Apoteka „Zdravlje“ Zenica, Gradonačelnik dostavlja Vijeću Prijedlog Rješenja o imenovanju Upravnog odbora Javne ustanove Apoteka „Zdravlje“ Zenica kako slijedi:

- Danijela Dalmacija-Pavlović, diplomirani pravnik, predstavnik osnivača,
- Imela Zukić, magistar farmacije, predstavnik stručnih radnika,
- Emin Durmo, diplomirani ekonomista, predstavnik Ministarstva zdravstva ZDK, shodno aktu Ministarstva zdravstva Zeničko-dobojskog kantona broj: 11-30-13116-4/20 od 26.02.2021. godine, a u smislu odredbe člana 64. stav (5) Zakona o zdravstvenoj zaštiti ("Službene novine Federacije BiH", broj: 46/10 i 75/13).

### III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o rješenju, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlagatelj isto, u skladu s odredbom člana 69. stav (1) Poslovnika Gradskog vijeća („Službene novine Grada Zenica“, broj: 4/17), dostavlja Vijeću na razmatranje u formi prijedloga.

KOMISIJA ZA IZBOR I IMENOVANJE ČLANA  
UPRAVNOG ODBORA JAVNE USTANOVE  
APOTEKA „ZDRAVLJE“ ZENICA